

傷寒正醫四錄

六



傷寒正醫錄

卷之七 目次

少陰上篇二十二條

半夏散及湯

苦酒湯

甘草湯

桔梗湯

四逆散 加味五條

桃花湯

大承氣湯 見前

黃連阿膠湯

猪苓湯

猪膚湯

少陰下篇三十條

麻黃附子細辛湯

麻黃附子甘草湯

附子湯

真武湯

加減四條

四逆湯

白通湯

白通加猪胆汁湯

通脉四逆湯

加減五條

吳茱萸湯



傷寒正醫錄卷七

少陰上篇

少陰腎也。與太陽膀胱相表裡。人之腎氣本虛。受病最易。而最難愈。其傳變不一。與太陽同。故太陽分麻黃桂枝大小青龍。少陰之四逆湯散真武湯。亦隨症加減。其汗下吐溫各異。不外救陰回陽二法。坊本以傳經熱證。與中經寒證分篇。不甚明確。存其意可也。

少陰之爲病。脈微細。但欲寐也。



微必輕取而見。細必重按而得。氣虛則微。血少則細。陰盛陽衰。與三陽之滑大迥別。人之精神藏於腎。精神虛而邪復溷之。則欲寐者。昏昏如夢而已。非真能寐也。少陰病。脉細沉數。病爲在裡。不可發汗。

沉細爲陰脉。固已難經云。數則爲熱。後人遂傳信其說。喻嘉言註此條。亦云。加之以數。正熱邪入裡之徵。不知數脉之辨。惟滑數洪數爲熱。其澁數細數者。多寒。暴數者。多外邪。久數者。必虛損。此之細沉而數。乃內經所云諸急者多寒。又曰。數爲虛也。豈熱則煩數之數乎。故在



裡不可發汗。恐奪血亡陽。不可收拾也。

少陰病。咽中痛。半夏散及湯主之。

少陰脉循喉嚨。陰虛者必陰火上衝。益以風邪上壅。則挾痰而攻咽。故痛。用桂枝以散邪。半夏以滌飲。甘草以緩急。不得以熱與燥疑之。

半夏散及湯 治少陰客寒咽痛。

半夏

洗去涎水

甘草

桂枝

等分

各搗篩合治之。白飲和服。

方寸七日三服。若不能散服者。以水一升煎七沸。內散兩方寸七。煎三沸。令小冷咽之。

少陰病。咽中痛生瘡。不能語言。聲不出者。苦酒湯主之。
咽傷生瘡。較痛更甚矣。少陰之脉入肺絡心。心通竅於
舌。心熱則舌不掉。肺屬金。清則鳴。熱則聲不出也。半夏
雞子。滌痰潤咽。苦酒能消腫。欬瘡不用桂者。恐助瘡熱
耳。

苦酒湯 卽米醋

半夏 破如棗核 雞子 一枚去黃內上苦

大十四枚

酒著雞子壳中

右二味。內半

夏。著苦酒中。以雞子壳置刀鐸中。安火上。令三沸。去渣。
少少含咽之。不差。更作三劑。

少陰病。二三日咽痛者。不可與甘草湯。不差者與桔梗湯。

甘草湯

甘草

兩二

水煮湯。溫服七合。日二服。

桔梗湯

卽甘草湯中加桔梗。

兩一

林北海曰。甘草湯主少陰客熱咽痛。故用緩。桔梗湯主少陰寒熱相搏咽痛。故用開。經曰。此屬少陰。法當咽痛而復吐利。今於陰邪上乘之時。以桔梗開之。甘草緩之。卽所以寔脾土而防其利也。

少陰病四逆其人或欬或悸或小便利。或腹中痛。或泄利下重者。四逆散主之。

四肢爲諸陽之本。陽氣不足。陰寒必乘之。此條但以不溫和爲四逆。未若厥陰之手足逆冷也。氣逆挾痰故欬。氣虛挾飲故悸。裡有結熱故小便不通。腹痛下利用柴胡苦寒升散之也。枳寔苦降下泄之也。熱邪宜解。陰邪宜收。芍藥所以收之也。合甘草以和中。仍是二味祛邪二味扶正。聖人立方無偏勝也。凡有兼症。照後加之。

四逆散

甘草 枳寔 柴胡 白芍 四味各十分。搗篩白飲

和服方寸匕。日三服。

欬者。加五味子乾姜五分。並主下利。

五味收逆氣。乾姜散肺寒。肺與大腸相表裡。故并治下利。

悸者。加桂枝五分。

悸主心。桂枝引導陽氣也。

小便不利者。加茯苓五分。

甘淡滲泄。

腹中痛者。加附子一枚。炮令圻。

補虛以散寒。

泄利下重者。先以水五升。煮薤白三升。煮取三升。去渣。以散三方寸七。內湯中。煮取一升半。分溫再服。

陽邪陷入。故氣滯而下重。薤白通手陽明經。調氣則後重自除也。

少陰病下利。便膿血者。桃花湯主之。

少陰病下利。便膿血者。可刺。

少陰病二三日。至四五日。腹痛。小便不利。下利不止。便膿



血者桃花湯主之。

腹痛下利。少陰之熱邪熾矣。利不止而便膿血。則下焦滑脫。虛寒滋生。非他藥可愈也。瀉可止脫。石脂之瀉以固腸胃。辛以散之。乾姜之辛以散裡寒。亦是兩相挾持之意。再加粳米。則調和正氣。石脂半全半末。蓋全用恐味不出。全末難下咽。用一觔者。亟欲其止脫也。

桃花湯

赤石脂

一斤一半

乾姜

兩

粳米

一升

水七升。煮米熟。內

石脂末和勻。每服方寸匕。日三服。愈後勿服。

少陰病自利。清水色純青。心下必痛。口乾燥者。急下之。宜大承氣湯。

少陰自利。本無異也。至下清水。則津液日耗。色青而無雜色。則木乘土矣。凡係陰邪。心下滿而不痛。今痛而口乾燥者。必陽邪轉入陽明。腹有燥屎。所以見枯槁之象。急下之者。所以急救津液也。利而不清。不青者。不在此例。

少陰病得之二三日。口燥咽乾者。急下之。宜大承氣湯。纔二三日耳。又不下利。何以便口燥咽乾。此必腎水不



足故也。若再遲延。水枯則土燥。土燥水必愈枯。所以宜
亟下。

少陰病六七日。腹脹不大便者。急下之。宜大承氣湯。

少陰多下利。今六七日不大便而腹脹。必陽邪歸胃。土
寔而腎水日虛。故亟下以去陽邪。以存陰液也。

少陰病得之二三日以上。心中煩不得卧。黃連阿膠湯主
之。

少陰多寐。今反不得卧而心煩。煩而不躁。則其煩爲陽
煩。熱邪入裡而劫陰也。陽有餘。用芩連之苦。除熱也。陰

不足。以甘補之。阿膠雞子之甘。補血也。芍藥之酸。以收陰氣而泄邪熱也。準繩云。如未愈。以參苓歸朮加於此湯中。屢效。

黃連阿膠湯

黃連

四兩

黃芩

芍藥

各二兩

雞子

二枚

阿膠

三兩

先煮三物。

去渣。內膠烱消。小冷。內雞子黃攪勻。溫服七合。日三服。少陰病。下利六七日。欬而嘔渴。心煩不得眠者。猪苓湯主之。

少陰下利。為陰寒甚。而水無制矣。然裡寒者不渴。今渴。

者必陽邪入裡。故心煩不眠。欬而嘔者。必熱邪凝結。水飲渴與利。必小便不利。熱邪入膀胱也。摘五苓之三。以消熱利水。又以阿膠。易白朮者。取其甘平潤澤。療煩渴不眠。蓋瀉少陰之府。以安少陰之經。非正治少陰藥也。

猪苓湯

猪苓

去皮

茯苓

澤瀉

滑石

碎

阿膠

各一兩

一

先煮四味

去渣。內阿膠。烱消溫服。每七合。日三服。

少陰病。下利咽痛。胸滿心煩者。猪膚湯主之。

下利咽痛。胸滿心煩。四症具見。亦是熱邪為患。無不得

眠故不用芩連無嘔而渴故不用猪苓腎惡燥故用潤
燥一法猪水畜入少陰膚外薄而能解外其性趨下而
涼能退邪熱與用阿膠意同白蜜潤燥利咽而止痛白
粉培土制水而止利諸症可悉愈矣有疑下利不宜蜜
者不知此因燥劫而利潤之正所以止之也

猪膚湯

猪膚

一斤即外皮
去肥白一層

水一斗煮取五升加白蜜一升白

粉五合熬香和兩得溫分六服

少陰病八九日一身及手足盡熱者以其熱在膀胱必便

